

Tysse 04.02.2015

Helge Åsheim

Øvre Seimsmark 25,

5260 Indre Arna.

Pålegg frå Samnanger kommune – sikring av mur.

---

Syner til brev av 23.01.2015 og vil koma med fylgjande tilsvaer.

Som du truleg kjenner til, var det bestefar til underteikna som kosta og bygde denne vegen straks på 1900 talet for hest og kjerre. Etter kvart som det vart bygd langs denne vegen vart også veggrunnen solgt til tomteeigarane langs vegen, medan hovedbruket innehar vegretten. Den siste eigedomen som fekk vegrett til denne vegen var G.nr 27, br.nr 123, i dag eigd av Jan Ove Haga.

For ein del år attende vart det av overflatevatn grave eit stort hol/grøft i denne vegen i nedre del av grensa til G.nr 27, b.nr.19 Øyvind Grindheim. Dette stod slik i lang tid før det vart reparert.

Underteikna går mest aldri denne vegen, men det er blitt meg fortalt at overflatevatn fløymer nedettet vegen som går til bruk 19 og inn i vegen der muren i dag vil gi etter. Dette har ikkje eg personleg sett. Overflatevatn kan sjølvstakt vera ei medverkande årsak til det som no hender. Alle som eig ein eigedom har rettar og plikter som kviler på eigedomen. Dersom plikta til å reinska vassavløp når det er nødvendig ikkje vert gjort, så vatnet renn fritt, kan sjølvstakt dette vera til skade også for andre eigedomar.

Det andre eg vil peika på er fylgjane: I byrjinga på 1900-talet måtte vegarbeid gjerast for hand med enkle reiskap . Ein handbygd mur har såleis ikkje den stabilitet som ein mur som i dag vert sett opp med gravemaskin. Etter at denne vegen låg ferdig vart det midt i denne vegen gravd ned kloakk og seinare vassleidning. Første gong for hand. Seinare la Samnanger kommune opp kommunal kloakk til like oppom bekken (v/ det gamle grishuset som no er borte). Seinare vart vegen på nytt graven opp av Bergen Lysverker då høgspenkabel vart lagt ned. Minst ein av desse gongane, men truleg fleire, vart vegen graven opp med gravemaskin . Vegen er max. 2m brei og graving gjentatte gongar på innsida av ein «handbygd» mur kan svært lett destabilisera den muren som no vil rasa ut. Alle som har sete i ei gravemaskin veit at det skal svært lite til for å berøra ein stein så han ikkje ligg som tidlegare, og dette er særleg risikabelt med ein mur av dette slaget.

Underteikna er inforstått med at Samnanger kommune må halda seg etter plan-og bygningslova §31-3, og såleis må henvenda seg til grunneigar Helge Åsheim som det står i brevet frå kommunen .

I dette tilfellet (syner til mi utgreiing over) meiner underteikna dette er for lettvindt av kommunen sidan også kommunen i denne saka direkte er innvolvert. Vegen har dei siste 80 år kun vorte brukt som gangveg, og dette har ikkje hatt innverknad på muren. På grunn av kloakk, vassleidning og ikkje minst høgspenkabel som i dag ligg i vegen er det vanskelegare og meir kostesamt å reparera denne

vegen enn om dette ikkje hadde lege her, og denne kostnaden kan i alle fall ikkje plasserast på dei eigedomane som ikkje har nokon interesse i det som ligg der.

Etter mi meining er det fleire som kan sitja i glashus når det gjeld destabilisering av denne muren, og ansvaret må plasserast der ansvaret ligg, elles kjem ein i skade for å gjera urett mot enkeltmenneske.

Underteikna har endå ikkje teke stilling i denne saka, men reiser berre ein del relevante spørsmål/synspunkt som det etter mi meining er på sin plass å vurdere før ein plasserer ansvar og skuld for det som har hendt med muren. Så lenge snø og is dekkjer området som det no gjer er det vanskeleg å ta ei skikkeleg vurdering av desse tilhøva. Dette bør no venta til det vert vår.

Med helsing

Johannes M. Tysse,

G.nr.27, B.nr.2

Kopi vert sendt til:

Samnanger Kommune v/ordførar Marit Aase

Øyvind Grindheim

Per Storli/Hilde Birgitte Haga Storli

Terje Trengereid

Jan Ove Haga